



## SVEMIRSKI PRIRUČNIK

ili

## PRIRUČNIK INTERGALAKSIJSKIH SNAGA SVJETLOSTI

### O SVJETLOSTI

Koncept svjetlosti je jedan od najneispravnije shvaćenih pojmova. Prava svjetlost izaziva strahopoštovanje. To je nešto daleko izvan onoga kako se to na neki način označava, na nekom od balkanskih jezika, kad se spomene neonska ili neka druga lampa, sunce, blic ili na što se misli kad se kaže; "upali svjetlo, molim te". Možemo slobodno reći i ovako : "Mi smo žrtve indirekte svjetlosti". Kakvu god romansu smo do sada uspjeli kreirati koristeći svjetlost na ovaj način, ona je sada izgubila svoj šarm. Direktna svjetlost je jedan val iz budućnosti. Kao članovi misije, vi ste sada ovdje sa zadatkom da se priključite na te kablove visokog napona. Moramo postati svjesni istinskog značenja te riječi, kad je već koristimo. Svjetlost je sila obnavljanja, upravljana snagom stvaranja. Svjetlost je ništa manje nego sam život.

### O VANZEMALJCIMA

Jedan vanzemaljac nije isto što i jedan svemirski tuđinac. Tuđinac je tuđinac. Pravi vanzemaljac je jedan odgovorni građanin svemira, a ne netko strano stvorenje koje se mota među zvijezdama. Vanzemaljci su predstavnici svjetlosti, zaštitnici života, ljubitelji planeta. Oni se domaćinski ponašaju na svakoj planeti na kojoj se nađu, bez obzira odakle potiču.

Mnogi od vas misle da ni u kom slučaju ne bi mogli biti vanzemaljci zbog vaše veze sa planetom Zemljom i ljubavi prema njoj. Smijemo li naglasiti da je vaša briga prema ovoj planeti bila upravo toliko velika da ste joj poslali u ovom slučaju ono najbolje što ste imali na raspolaganju, naravno - sebe same.

Njegova orijentacija, a ne rod ili vrsta definiraju pojam jednog "ekstraterestrijalnog entiteta". Iako sav život potječe iz istog izvora, to ne znači i da se sav život nalazi u jednoj harmoniji sa

tim izvorom. Jedno vanzemaljsko biće je ono biće koje ima razumijevanje i u skladu je sa suštinom svoje geneze.

### **O SVEMIRSKIM TUĐINCIMA**

Mnogo ljudi na Zemlji ispoljava jedan neurotičan strah od moguće invazije tuđinaca iz svemira. Taj strah je neprestano podstican osjećajem da bi još negdje, u ovom beskrajnom univerzumu, neki oblik inteligentnog života stvarno bio moguć. Nije potrebno da neprestano pretražujemo nebo tražeći znakove koji bi ukazivali na početak njihove invazije. Dovoljno je samo okrenuti se oko sebe.

Pogledajte one koji siju strah, trguju smrću i neprestano truju ovu planetu. Pogledajte one koji skrivaju istinu tako da njihova moć koja je bazirana na lažima ne bi ni u kom momentu bila ugrožena. To je ta invanzija koje se ljudi boje. To je ona invazija kojom smo zahvaćeni i ona invazija za vrijeme koje već živimo nekoliko tisuća godina. Nema svrhe uopće da se bojimo neke invazije tuđinaca iz svemira, jer - ona se već odavno dogodila, i ti svemirski tuđinci su ovdje među nama.

Ovo naravno još uvijek nije i javno poznato, međutim zbog očinskog načina ponašanja vaše vlade, informacije koje su važne, nikada nisu i javno poznate. U ime nacionalne sigurnosti, radnje jedne vlade sakrivene su od onih kojima se vlada. Bolje bi bilo da se bojimo toga da se jedna istinska inteligencija nikada ne pojavi na ovoj planeti. U stvari, najbolji savjet bi bio da se ničega ni ne bojimo, jer za takvo nešto stvarno nema razloga. U svakom slučaju, najbolje bi bilo da zaboravimo i na razliku između vanzemaljaca i svemirskih tuđinaca. Opasnost definicija leži u tome da one kao mentalni koncepti teže ka podvajanju, odnosno još jednoj separaciji. Mi nismo ovdje radi podvajanja, nego ujedinjavanja. Radi se o svjetlosti, o donošenju više svjetlosti na ovu planetu. Poziv za ulazak u svjetlost upućen je cijelom čovječanstvu, uključujući i svemirske tuđince, jer svemirski tuđinci su samo oni vanzemaljci koji su odlučili da stanu na stranu tame, na život u laži i pod maskom.

### **ŠTO JE VAŠA MISIJA NA ZEMLJI? NE MOŽETE SE SJETITI?**

#### **O PADANJU U SAN**

Nemojte sebe za to optuživati, jer većina nas ima taj isti problem. Pa naše instrukcije su i bile takve, da kad stignemo na područje ove planete zapadnemo u san isto kao i ostala lokalna populacija. Složili smo se da kompletno zaboravimo naš pravi identitet i sve što smo znali. Pošto nas je većina stigla ovamo kao novorođenčad, to nam nije ni malo bilo teško. Svaka institucija u ovom društvu potpomogla je na svoj način taj naš gubitak pamćenja, a to je kasnije bivalo sve lakše i lakše, kako je vrijeme prolazilo. Par slučajnih "gapova" koji su nam se ponekad znali omaći u našem djetinjstvu, vrlo brzo su bili odbačeni kao rezultat naše preaktivne imaginacije.

#### **O DISFUNKCIJI OVOGA SVIJETA**

Pošto imaginacija prijeti disfunkciji ovoga svijeta, ona je vrlo brzo izbijena iz nas od strane odraslih stanovnika ove planete. Ono što našim roditeljima nije pošlo za rukom izbrisati, to su brzo uspjeli škola i medicinski sistem, pošto je to njihova specijalnost. Na ovaj način, lokalni stanovnici ove planete nesvjesno su pripomogli u održavanju našeg prisustva tajnim kao i sigurnosti naše misije. Ukratko rečeno, mi moramo biti u stanju da prirodno izgledamo kao da smo odavde a ne da se samo pretvaramo. Jedna totalna nefunkcionalnost mora biti ostvarena prije nego što možemo početi.

Kada vanzemaljski inkarnati koji su u misiji na planeti Zemlji na kraju dođu u jednu situaciju kada više nisu u stanju doći do prirodno čiste hrane i vode za piće, kao i kad ne mogu više udisati zrak na ovoj planeti a da se pri tome ne truju, tada je pravo vrijeme da shvatimo da smo prvi dio naše misije uspješno obavili. To znači da smo mi kao inkarnirani entiteti postali pravi Zemljani, i sada nam to daje pravo da poduzmemo sljedeći korak u našoj misiji.

### **SJEĆANJE NAŠEG PRAVOG IDENTITETA**

Kad se počnemo sjećati našeg pravog identiteta, u prvom momentu nećemo biti u stanju primjetiti neki humor u svemu tome. Kompletna procedura podrazumjeva ne samo buđenje naše istinske ličnosti, nego i zaboravljanje svega što smo do sada ovdje naučili, tako da bi se mogli sjetiti onoga što smo znali prije nego što smo ovamo došli. Drugim riječima, moramo baciti u kantu za smeće cijelu ovu ličnost na čijoj smo izgradnji radili skoro cijeli ovaj život. Da li vam je sada jasno zašto u svemu ovome na prvi pogled nema nikakvog humora? To je jedna procedura koja se mora razumjeti.

Mi se sada moramo otkaçiti od našeg starog identiteta i distanciramo se od jedne civilizacije koja srlja u propast. Nakon što smo veoma brzo uspjeli zaspati, sada se od nas očekuje da se isto tako brzo i probudimo. Sada je vrijeme da razmontiramo naš lažni identitet. Sada je vrijeme da zaboravimo ono što smo naučili i posvetimo pažnju onome što duboko znamo. Sada počinje proces promjene ljudske povijesti koji zaslužuje strahopoštovanje. Sada je vrijeme za sve, i sada je ovdje.

### **ZAŠTO JE JEDNA OVAKVA TORTURA BILA POTREBNA?**

Neki od nas se vjerovatno čude zašto je jedna ovakva tortura bila uopće potrebna da bi se ostvario željeni cilj? Razlog zašto se tome čudimo je taj što smo na ovoj planeti bili već toliko dugo da smo absorbirali djelomično, ako ne i potpuno i njen način nefunkcionalnog razmišljanja. Morate uvijek imati na pameti da ova planeta uopće nije jedan model za racionalno razmišljanje i da se od onoga što ovdje prolazi kao razumno, ostatku univerzuma se diže kosa na glavi. Potreba da se apsorbira nefunkcionalnost ove planete je bila zbog toga da bi se steklo pravo na izmjenu njene strukture. Svaka druga metoda značila bi jednu invaziju, a mi to nikada ne činimo.

Mi mijenjamo zaslužujući pravo da to činimo. Nikome nije dozvoljeno da uđe u tuđi svijet i mijenja njegovu nefunkcionalnu strukturu a da prethodno nije u njemu i živio. To je u skladu sa Univerzalnim Zakonom, čiji smo mi predstavnici. Iako je naša Intergalaktička Konfederacija već

primila mnogo poziva nekih od nas u smislu: "Dolazite već jednom i vadite nas odovud", njih smo na žalost morali samo podsjetiti da to ne bi bilo onako kako smo se dogovorili. Izlaskom van ne bi se ništa moglo postići. Jedini način je da se ovdje dovede što više svjetlosti. Sjećate li se?

### **O PRE-INKODIRANOJ AKTIVACIJI**

Zvezdana djeca koja su nosioci ove misije pre-inkodirana su da se probude u ovo vrijeme. To znači da je njihova DNA struktura genetički dizajnirana da "eksplodira", kao bomba sa satnim mehanizmom, u jednom određenom momentu, da bi bila u stanju prihvatiti mnogo više svjetlosti nego što je to u stanju jedan običan čovjek. Vrijeme za genetičku detonaciju je sada.

### **DIMENZIONALNI PREMJEŠTAJ**

Anomalije u vezi vremena/prostora mogu se već u ovo vrijeme primjetiti na našoj planeti. Većinu ljudi kopka jedan osjećaj da nemaju više onoliko vremena koliko su ga nekad imali. To se obično izražava sa: "pa ovo vrijeme kao da leti"?! Razlog za ovaj osjećaj manje vremena je taj što je stvarno manje vremena. Da bi se jedan dimenzionalni pomak ostvario vrijeme mora kolabirati da bi se stvorio novi dimenzionalni prostor. Isto tako i prostor mora kolabirati da bi se stvorilo novo dimenzionalno vrijeme.

Drugim riječima ova veza vremena/prostora je sada na dohvatu ruke. "Sada" je ono stvarno dešavanje. To se ne odnosi samo na življenje u sadašnjosti, mada se to strogo preporučuje. To uvijanje vremena će se nastaviti sve dotle dok se "sada" potpuno ne dostigne, tako da se dimenzije mogu potpuno međusobno uklopiti, isto kao pristajanje broda u svemirsku luku u jedan momenat koji je već predodređen. Sada imamo više "sada" nego što smo ih imali prije nekoliko mjeseci a još više "sada" je na putu prema nama. Kad kažemo: "sada je vrijeme", to nas treba samo podsjetiti na naš genetski dogovor.

### **GENETSKA PROMJENA**

Još jedan interesantan aspekt svega ovoga je taj što su genetski kodovi u našoj DNA određeni tako da se "otključaju" upravo "sada", prije nego što krenemo. Kako ste već primjetili, to se ne događa kod našeg rođenja ili u bilo koje drugo vrijeme do "sada". Iako smo već prije živjeli kroz mnogo "sada", kroz ovo "sada" još uvijek nismo. Promjena na našem genetskom nivou podstiče se uz pomoć "sada" da se akomodira još više "sada", tako da je stupanj našeg buđenja direktno ovisan od toga koliko "sada" smo u stanju doživjeti, jer "sada" određuje proces buđenja.

### **DEPROGRAMIRANJE**

Kako se ova genetska transmutacija odvija na cijeloj planeti, naš pre-inkodirani genetski program se takođe aktivira. Za neko vrijeme početi ćemo sa deprogramiranjem našeg starog sistema, i pritom ćemo se često osjećati kao da smo malo "grog". Naš istinski identitet će početi marširati van iz treće dimenzije, dok će naš ego imati tendenciju da se drži broda koji tone kao pijan plota. Kad se stari programi odumirućeg svijeta počnu rasplitati, vjerovatno ćemo osjećati određen stupanj nelagodnosti, odnosno imati osjećaj kao da se cijeli naš svijet ruši. Bilo bi

veoma korisno da se za vrijeme tranzicije sjetimo da smo jedan interdimenzionalni majstor, odnosno ekspert za transmuciju realiteta koji se rasipaju. Mi smo to već prije radili, i to - mnogo puta.

### **RAĐANJE ZEMLJE U SVJETLOSTI**

Sve ono što smo podnijeli za vrijeme našeg boravka na ovoj planeti od jedne je veoma bitne važnosti. Ono što bi trebalo biti interesantno nisu one informacije koje nam stižu od strane kontroliranih medija u vezi prirode i posljedica ljudske neodgovornosti, nego je veoma interesantna i bitna činjenica što smo uspjeli pretrpjeti jednu sveobuhvatnu kampanju poricanja ljudskog bića i njegove suštine. Zašto? Zato što mjenjajući sami sebe, sve one beskorisne i štetne šablone koje smo svojom voljom prihvatili na sebe, promjenit će se zajedno sa nama. Iako se mi sada ne možemo lako sjetiti, kad smo se složili učiniti sve ovo da bi pomogli Zemlji u njenom ponovnom uskrснуću. Priroda našeg dogovora bila je ta da ćemo mi svjesno transformisati ovu matricu u kojoj smo rođeni, kao i sve one laži koje su nam govorili u vezi nas i svega ovoga što se dešava u našoj sadašnjosti. Mi smo se složili da preobratimo upravo taj materijal u jedan ljepši od kojeg će biti sačinjena nova odora transfigurisanog svijeta. Upravo stoga, podsjećanje na ono ko smo i zašto smo došli je veoma važno i to je jedan sveti akt.

### **NJEGOV PONOVI DOLAZAK**

Njegov ponovni dolazak je na domaku, i zbog toga se trebamo što prije pripremiti. To je vrlo koristan savjet, jer se ovdje u stvari radi - o nama. Mi predstavljamo njegov ponovni dolazak. Iz tog razloga postani odmah sam svoj Mesija - jer se nema što čekati.

### **KOMPLEKS MESIJE**

Teret Duhovnog Značaja, kao i Kompleks Mesije su jedna od zamki u koju bi bilo najbolje da ne upadnemo. Problem kod Duhovnog Značaja je taj što je to jedan sporedni produkt duhovnih ambicija, i u vezi s tim bilo bi najbolje kad bi uspjeli izbjeći bilo kakve ambicije te prirode. Djela koja su posljedica duhovne ambicije većinom su po svojoj prirodi bez duha u sebi. Ona nas jedino mogu odvojiti od Duha, pa tako i od naše misije. To naravno ne znači da mi ne činimo ništa što je od duhovne važnosti dok se nalazimo na ovoj planeti. Naš zadatak i jest da ostvarimo ovdje jedan duhovni uticaj, jer da nije tako onda bismo ostali kod kuće. Međutim, ako nas opsjedne "važnost" naših djela, to bi nas moglo dovesti do jednog identiteta koji je nešto mnogo manje nego što mi to u stvari realno jesmo.

Naša primarna direktiva ovdje je da otjelovimo taj Duh kojem služimo. Ako dozvolimo sebi da nas izbaci iz kolosjeka naš osobni "spiritualni značaj" ili se izgubimo u svojoj vlastitoj "veličini", onda ćemo istovremeno izgubiti vezu sa svojom istinskom važnošću i podbaciti u ostvarenju cilja naše misije. Zapamtite da smo mi ovdje da bi postali živi, tjelesni izraz tog duha. Ništa što ćemo činiti ili raditi ne može biti prihvatljiva zamjena za ono što mi realno jesmo.

### **RAZBORITOST**

U ovo vrijeme tranzicije, moramo biti veoma pažljivi koga i šta slijedimo. U stvari, ako uopće

slijedimo nekoga ili nešto, to je već prva indikacija da smo skrenuli s puta. Onima od vas koji još uvijek imaju svoje gurue, preporučili bismo da počnu koristiti svoju vlastitu razboritost. Vremena velikih duhovnih učitelja su prošla. Sadašnje vrijeme je vrijeme uzvišenog duha. Taj prelaz iz učenika u svog vlastitog učitelja može prouzrokovati privremeni porast nezaposlenosti u Indiji i drugdje, ali nemojte da vas to uzbuđuje.

### **O TRANSMUTACIJI**

Transmutaciju ne treba miješati sa transformacijom.

Ovaj svijet je morao proći tisuće godina transformiranja prije nego što je došao u priliku da transmutira. Ciklus transformacije je već zaokružen i sada je počeo jedan transmutativni ciklus. Transmutacija je genetska promjena na staničnom nivou, koja se sada odvija u svim živim formama na ovoj planeti. Planeta Zemlja je jedno svjesno živo biće, takođe odlučno početi sa svojim vlastitim dimenzionalnim premještajem.

U skladu sa tim, sav život na ovoj planeti se priprema za taj događaj uz pomoć procesa transmutacije na staničnom nivou. Ovdje se radi o procesu rađanja kojim će se ova naša planeta i sve životne forme na njoj ponovo roditi u jednoj novoj dimenziji. Stanična transmutacija nije nešto što vi osobno možete odlučiti učiniti ukoliko bi vas to interesiralo, kao recimo da odigrate jednu partiju golfa. To je nešto što se događa i nešto za što ste se vi već odlučili; jer u nekom drugom slučaju ne biste ni bili ovdje.

Iako u vezi svega ovoga vi nemate neku drugu genetsku opciju, vi još uvijek imate svoju slobodnu volju. Vi možete koristeći svoju slobodnu volju svjesno pomagati ovu transmutaciju zemljine kugle, ili se opirati i postati nešto kao "miševi mekinjaši", kako neki od pripadnika našeg tima vole nazivati takve individue. Zbog toga je najbolje dvaput razmisliti, prije nego što se predomislite.

### **DUH**

Duh je ona pokretačka sila koja stoji iza ove misije, kao i njen dizajner. To je upravo i razlog zašto su se naše najbolje snage i okupile ovdje. On je takođe i razlog zašto ste se vi kao članovi ove misije inkarnirali na ovoj na prvi pogled neprijateljski raspoloženoj i zaostaloj planeti. Mi smo se svi odazvali na poziv tog Duha. Sve i svako u svakom postojećem univerzumu prirodno pripada tom Duhu. Duh je ta sila koja udiše život u svako stvorenje. Duh je istinski identitet života. Duh je izvor, ljubav, on je sve.

I, iako je taj Duh ovdje oduvijek boravio, on je sada odlučio skinuti veo koji je do sada sprečavao da njegovo prisustvo bude svima vama potpuno vidljivo na ovoj planeti. Upravo je ljubav prema njemu i razlog ove infiltracije ogromnih snaga Svjetlosti na ovoj planeti. Mi smo se skupili ovdje da bi sudjelovali u njenoj transfiguraciji planirajući da je pretvorimo u jednu veličanstvenu duhovnu palaču.

### INTELIGENCIJA

Mi smo primjetili da vaše shvaćanje inteligencije i naše shvaćanje inteligencije uopće nemaju ništa zajedničko jedno s drugim. Na primjer, vi nazivate same sebe jednom inteligentnom vrstom, a istovremeno ste se opasno primakli točki nakon koje će vaša planeta biti naseljiva jedino za asfalt. Vi ste također same sebe uspjeli dovesti na vrh ljestvice ugroženih vrsta. Smijemo li napomenuti da čak i virusi demonstriraju jedan mudriji pristup prema procjeni svoje situacije kao i prema svojoj životnoj okolini.

Mi smo također primjetili da vi koristite riječ "mudar" kada govorite i o raznim manipulacijama u vezi biznisa, odnosno kad sklopite neke ugovore koji su nepovoljni za drugu stranu. Kad neko uspješno proda kuću koja je locirana na živom pijesku, vi za njega kažete kako je napravio pametan posao. Vi također smatrate inteligentnim osobu koja uspije prodati za velike novce polovan auto kojem fali pola motora i kočnice. Ovo su samo dva primjera koja ilustriraju opakost vaših svakodnevnih aktivnosti. Vaše vlade, korporacije i građanstvo počinjavaju zločine od kojih se vrti u glavi, u ime akvizicije materijalnih dobara, a sva vaša trgovina je bazirana na jednom duhovnom skandalu. Iako ovakvi akti tehnički se mogu i smatrati prevarama od strane vašeg zakonodavnog sistema, vi na ove prevare gledate kao na problem samo u slučaju ako niste imali dovoljno sreće tj. ako su vas uhvatili. U svim drugim slučajevima, ovakvi akti se smatraju samo dobrim poslovnim potezima, koji su djelo pametnih umova. Iz ovih očiglednih razloga mi smo stvarno zbunjeni vašim konceptom inteligencije te bi željeli da ponudimo jednu drugačiju definiciju.

Glavni razlog nerazumjevanja ovog pojma leži u tome što stanovnici ove planete pod inteligencijom podrazumjevaju mozak. Mozak je samo instrument inteligencije, dok je sama inteligencija jedna sila.

### INTELIGENCIJA JE ŽIVOTNA SILA KOJA SE ISPOLJAVA U KREATIVNOJ FORMI

Ona je prisutna u svemu što je živo, bez obzira imalo to mozak ili ne. Zloupotrebom svojih mentalnih procesa vi ste počeli smatrati inteligenciju kao lukavost u aktima spiritualnog barbarizma. Vama je nekako pošlo za rukom i da reducirate racionalnost na jednu umnu sposobnost da se dograbi što više i što brže. Dok je istinska inteligencija, s druge strane, u jednoj harmoniji kako sa samom strukturom svijeta, tako i sa njegovim izvorom. Ona je vjerna svjetlosti i u zagrljaju je sa životom, te nema nikakve veze sa vašom vještinom poricanja njegove suštine.

Naš zadatak je na ovoj planeti da vam pomognemo u vašem oslobađanju od tog "mentalnog

slijepila", tako da jednom napokon počnete normalno razmišljati. Mi takođe težimo tome i da vam pomognemo da se izdignete iznad vašeg rastrojenog načina razmišljanja do nivoa jednog istinski inteligentnog živog bića.

### REALNOST

To je jedna riječ koju je veoma teško definirati zbog toga što tako nešto realno ne postoji. Ono što želimo reći je to da ne postoji jedan realitet, ovdje ili bilo gdje drugo. Na ovoj planeti ima onoliko različitih realnosti koliko ima i ljudi koji ih kreiraju. Ono što vi podrazumjevate pod globalnom realnošću to je samo jedan grupni koncenzus u vezi nekoliko nebitnih točaka. Stoga, svaki muškarac ili žena, je sam, odnosno, sama za sebe.

Realnost u kojoj vi živite je ništa drugo nego audio-vizualna demonstracija onoga prema čemu ste usmjerili svoju pažnju.

Ovaj univerzum pretpostavlja da je vaša pažnja usmjerena prema onome što vi želite, te vas tako ljubazno snabdjeva sa sve više jednog te istog. Kada bi vi razumjeli ovu dinamiku onda ne biste nikada recimo objavljivali rat protiv droge ukoliko naravno vaš cilj nije da je bude još više. Ne postoji bolji način da se poveća trgovina drogom nego da se svačija pažnja usmjeri na nju. Isti princip važi za povećanje svega čemu se suprostavljate, i to je takođe jedan od razloga zašto se jedan rat ne može dobiti.

Ako ste stvarno ozbiljni u svojoj namjeri da zaustavite drogu, najbolji način za to bio bi da prestanete biti opsjednuti njome uz pomoć onog što vi smatrate pružanjem otpora. Umjesto toga, fascinirajte sami sebe slobodom, i sve vaše adikcije će prirodno nestati kako bi se zadovoljila vaša najnovija preokupacija. Samo zato što još uvijek niste razumjeli vašu vlastitu moć stvaranja, vi kostantno usmjeravate vašu pažnju prema negiranju, umjesto prema afirmaciji. To rezultira u tome što vam univerzum onda osigurava još više od onoga što ste vi u stvari mislili da ne želite (odnosno, niste željeli). Iako već mnogi od vas treniraju tu tehniku afirmacije, odnosno, pozitivnog razmišljanja, kako bi bili u stanju promijeniti svoj realitet, vi možete pozitivno razmišljati sve dok vam lice ne poplavi, i opet se ništa pozitivno ne desi.

Ukoliko vaša pažnja kao i vaš personalitet nisu takođe adekvatno promjenjeni (prilagođeni) kako bi akomodirali sve ono što vi afirmirate, univerzum nema drugu opciju nego da ispunjava vaše istinske, mada doduše skrivene težnje vaše pažnje. Dok ne razumijete ulogu koju vaša pažnja i vaš osjećaj identiteta igraju u vašoj kreativnoj sposobnosti, rezultati vaših afirmativnih napora bit će veoma slabi.

Sada je vrijeme da počnete koristiti vašu moć mudro i kreirate realitete koji su vrijedni vas samih. Vi to možete učiniti promjenom onoga što predočavate univerzumu kao realnost s vaše točke gledišta, i identiteta koji projicirate kroz način ponašanja tog identiteta. Ukoliko ne učinite jednu fundamentalnu promjenu, vi ćete onda samo nastaviti sa slanjem ovom univerzumu istih onih starih zamornih zahtjeva i težnji a on će vam nepristrasno i s ljubavlju odgovarati istim onim starim i često toksičnim odgovorima.



## UPUTSTVA ZA PRIZEMLJENJE

Neki od vas su toliko bili šokirani kad su se našli u trećoj dimenziji da su iz protesta odbili sletjeti. Kontrolni toranj bi vam želio napomenuti da je vaše učešće u misiji beskorisno ukoliko samo kružite oko planete bez namjere da se uopće spuštate. Takođe vas podsjećamo da je vaše učešće u ovoj misiji bilo vaš osobni izbor, a ne naš.

Iz vaših izbezumljenih poruka mi smo mogli zaključiti da ste veoma nervozni u vezi hvatanja u koštac sa bilo čim od onoga šta bi "oni" mogli imati na raspolaganju na ovoj planeti. Iako nam je vaša nervoza razumljiva, mi bi radije diskutirali sa vama o tome tek nakon što se spustite na zemlju.

Tehnički rečeno, Kontrolni toranj ne želi utjecati na vašu slobodnu volju međutim mi vas možemo samo preraspodjeliti na neki drugi zadatak. Vi možete, ukoliko želite, dobiti prekomandu na neku drugu disfunkcionalnu planetu. Nažalost, ova i ne izgleda toliko loše u poređenju s drugima koje trenutno imamo na raspolaganju. Treba li samo da vam pomenemo mogućnost ponavljanja obuke u regrutnom centru na Planeti X, pa da to bude dovoljno za većinu od vas da se prizemljite u najkraćem mogućem roku. Međutim, ako još uvijek oklijevate sa slijetanjem, molimo da kontaktirate Kontrolni toranj. On vam može pomoći u vezi sa navođenjem prilikom slijetanja.

## KULTURNI ŠOK

Kulturni šok je nešto što se teško može izbjeći kad vi počnete bivati svjesni našeg prisustva kao i svog vlastitog. Iako ste već jedan veteran kad se o međudimenzionalnim putovanjima radi, vaš istinski identitet će biti jedna senzacionalna vijest za vašu trodimenzionalnu svijest.

Udarac koji ćete doživjeti kad shvatite svoju multidimenzionalnu prirodu poslat će valove zebnje kroz vaša ograničena osjećajna čula, što vas može nagnati da počnete razmišljati o bijegu na neki drugi kontinent. Međutim, iako samo sigurnost vaše bespomoćnosti može biti ugrožena, vaše emocionalno tijelo će biti veoma teško ubijediti u tako nešto. Emocionalno tijelo bi se radije bacilo sa litice u ponor, nego se ponašalo kao jedna odrasla osoba u ovom dimenzionalnom premještaju koji nastupa.

Kulturni šok je samo privremene prirode, ali vam to napominjemo da bi se pripremili. A kad ste već kod toga, morat ćete se pripremiti za još jedan dodatni šok tj. da osoblje Kontrolnog tornja mahom čine bića koja ne pripadaju ljudskoj rasi. Ljudska vrsta je jedna izvorna vrsta koja se proteže kroz mnoge svijetove, ali je ona samo jedna od mnogih. Za ljude koji se još uvijek nisu uspjeli prilagoditi razlikama u okviru svoje vlastite rase, naše prisustvo će biti jedan alarmantan čin bratimljenja koji ćemo vam mi predložiti. Ako vam to može biti od neke utjehe, mnogi od vas koji sudjelujete u ovoj misiji ste takođe samo prurušeni u ljudska bića u ime ove planetarne tranzicije.

Mi se nadamo da će ove informacije pomoći vašem osobnom prilagođavanju situaciji, iako one

možda ne uveseljavaju vaš već dobro namučeni emocionalni sistem. Takođe, nemojte zaboraviti da taj kulturni šok kod buđenja multidimenzionalnosti nije ni blizu toliko strašan kao onaj šok koji ste doživjeli kad ste prvi put uvidjeli gdje ste se našli.

### **JO - JO EFEKAT**

Jo - jo efekat je samo jedan naziv kojim se koristimo da bi opisali tjelesne i emocionalne promjene koje ćete vjerovatno osjećati kad ovaj transmutativni proces uđe u punu brzinu. Ova stanična transmutacija je neophodna da bi se akomodirao taj vaš evolutivni korak prema Svjetlosti, međutim, pošto se ovdje radi o jednom procesu fizičke prirode, sve to ima i neke prateće efekte na koje ćete se morati naviknuti.

Bit će momenata kada ćete se na neki način osjećati uzvišeno kad osjetite navalu svjetlosti u sisteme vašeg organizma. Međutim, ovo je često praćeno i sa iznenadnim padovima energije koje ćete osjetiti kako na vašem tjelesnom, tako i na emotivnom i umnom nivou vašeg organizma, kad se budete ljuljali između svog starog i novog realiteta. Nemojte ovo zamijeniti za neku manijakalnu depresiju.

To je samo jedan jednostavan slučaj ekstaze praćene inzistiranjem vašeg osobnog poricanja i težnje za povratkom na onu staru pjesmu koja vam je već odavno dobro poznata. Ti popratni simptomi razlikovat će se od osobe do osobe, a jedna kombinacije bola i patnje bit će takođe moguća, uključujući i stanja nervnih poremećaja i zamora. Kontrolni toranj vam nikako ne bi savjetovao da zbog svega ovoga obilazite doktore u vašem gradu kako bi oni ustanovili o čemu se radi, osim u slučaju ako imate na raspolaganju bezgranična novčana sredstva.

Naš savjet je vrlo jednostavan a otprilike i najbolji koji uopće možete u ovom momentu dobiti. Budite nježni prema samom sebi. Ovo je jedna ogromna promjena. Ako ste u nevolji, uzmite neko sredstvo sa placebo efektom, ležite u krevet pa ukoliko sutradan ujutro budete još uvijek imali iste probleme, onda nam se možete javiti.

### **AKO NEGDJE ZAPNE**

Kontrolni toranj je svjesan da ovaj proces buđenja može biti veoma varljive prirode. Iako ste vi genetički inkodirani za tu svrhu, u momentu kad dođe vrijeme za to, vi ćete već biti potpuno uvjereni da ste jedan Zemljanin. Vi ćete najvjerovatnije već uveliko ispoljavati mnoge od njihovih najgorih karakteristika kao i nositi na sebi neke od njihovih maski, koje ulijevaju strah u kosti svakom normalnom vanzemaljskom biću.

Vi ste se možda trenutno zadesili u srednjoj klasi kao jedan poslovno uspješan čovjek, ili jedna srednjovječna i terminalno konfuzna žena, možda ste trenutno i zadovoljni sami sa sobom, možda ste i sljedbenik nekog gurua, član neke streljačke družine, možda se i znojite u pokušaju da otplatite svoje kredite, gledate televiziju, stojite na braniku svoje nacije, ili spadate u imovinu neke od korporacija, negujete travnjak ispred svoje kuće, usred ste trke za novcima, ili ste žrtva neke od religija, trenutno ručate, ili jogirate u nekom parku, ili ste neki advokat, itd.

Ovo je naravno samo jedna kratka lista od samo nekoliko zabrinjavajućih mogućnosti. To se može rezimirati tako što se može reći da su vas uspješno doveli do toga da klečite na koljenima, ne iz izražavanja poštovanja prema životu, nego zbog jednog neprestanog napora da se koprcate u ropstvu kako bi ste opstali. Strah, u nekom od mnogih njegovih oblika, vas je najvjerojatnije već uspio srušiti na jedan ili drugi način. Osim toga, mnogi od vas su već u svojim četrdesetim godinama, a i preko.

To znači da ste do sada vjerovatno skupili i par medalja, nagrada, trofeja npr. u kuglanju, dodjeljene su vam čak i diplome, u ovisnosti od nivoa ropstva koji ste za sebe uspjeli osvojiti, plus moć, pozicije kao i kreditne kartice, koje su vam ponuđene kao mamci ne bi li vas još više otkupili.

Ostanite pažljivi, pa da nastavimo:

### **INTERGAKSIJSKA KOMISIJA ZA UPRAVU NEKRETNINAMA**

Stari svjetski sistem je u fazi kolapsa. Oni koji žele nastaviti sa starim načinom ponašanja bit će ljubazno zamoljeni da napuste ove prostore, jer njihovi glavni motivi kao što su strah i pohlepa, trenutno se relociraju na jednu drugu planetu, gdje će ovakve individue biti veoma dobrodošle. Intergalaktička Komisija za Upravu Nekretninama stavila je ovu planetu na jednu Interdimenzionalnu višestruku listu za rekolonizaciju od strane Snaga Svjetlosti.

### **INTERNACIONALNO BANKARSKO UDRUŽENJE**

Članovi Internacionalnog Bankarskog Udruženja su ovdje da pomognu u rasklapanju ove nefunkcionalne svjetske ekonomske strukture. Oni su umjetnici kad se radi o korištenju plastičnog novčanog sistema kao što su Master kartice i neograničeni krediti, a pogotovo znaju kako se sve to i naplaćuje. Baza njihovog majstorstva je u tome što su oni svjesni plastičnosti prirode ovog realiteta. Njih forma ne može zbuniti; oni su ti koji ju kreiraju.

Oni znaju kako su njihova pažnja i fascinacija temelj realnosti koju oni grade; stoga se oni specijaliziraju tako što ne poklanjaju pažnju onome što je nefunkcionalno, nego je usmjeravaju prema duhovnim istinama. Taj program zahtijeva prilagođavanje ove planete s jednim sistemom božanstvene ekonomije kojom se većina ovog univerzuma trenutno koristi.

Aktivnost ovog Internacionalnog Bankarskog Udruženja će pomoći u razumijevanju činjenice da nijedno živo stvorenje na ovoj planeti nebi trebalo zarađivati svoje pravo na život. Ova tvrdnja nije zasnovana ni na kakvoj ekonomskoj zavjeri; ovo je stav slobode, baziran na istini. Kad se ljudska populacija podvrgne ovom tretmanu, bitka za opstanak će prestati, a umjesto nje cvjetat će beskrajno obilje. Odriješene ruke date su cijeloj ljudskoj populaciji od strane Univerzalne Banke, a njeni bankari su sada ovdje da vam odobravaju neograničene kredite u humanosti.

Kontrolni toranj vam savjetuje da se i vi uskoro prijavite.

Kraj

Tekst je prenesen sa ovog linka: <http://home.iae.nl/users/lightnet/celestial/101.htm>

